

Opatija - Rijeka - Brijuni - Pula - Trst - 3 dana - Polazak: 08.05.26. | Povratak: 10.05.26.

Brijuni, Hrvatska • Autobus

Polazak iz	Sarajevo, Zenica, Doboje, Gračanica, Prijedor, Banja Luka (mogućnost organiziranja transfera) Tuzla, Lukavac, Srebrenik, Brčko, Orašje
Smještaj	Hotel ★★★
Usluga	Polupansion

O putovanju

Opatija • Rijeka • Brijuni • Pula • Trst – pet destinacija, jedan program i bezbroj doživljaja. Ovo putovanje vodi vas kroz eleganciju austrougarske rivijere, mediteranski duh Kvarnera, netaknutu prirodu nacionalnog parka, monumentalno rimsko naslijeđe i kosmopolitsku atmosferu Italije. U samo nekoliko dana smjenjuju se pejzaži, kulture i priče koje ostavljaju snažan utisak – od mora i palmi do antičkih arena i živopisnih trgova. Opatija vas dočekuje šetnjama uz more, vilama s kraja 19. stoljeća i posebnom dozom profinjenosti. Rijeka donosi energiju velikog lučkog grada, bogatu historiju i moderan gradski ritam. Brijuni očaravaju netaknutom prirodom, mirom i jedinstvenim spojem pejzaža i kulturne baštine. Pula fascinira monumentalnom rimskom Arenom i snažnim tragovima antičke prošlosti. Trst zatvara krug šarmom srednjoevropskog grada, kafama s pogledom na more i bogatom mješavinom kultura. Ovo nije samo putovanje – ovo je šetnja kroz vrijeme, more i civilizacije, savršeno uklopljena u jedan program koji spaja odmor, učenje i inspiraciju.

Program putovanja

1. dan - 08.05.2026. | SARAJEVO - TUZLA - RIJEKA - OPATIJA

Polazak putnika iz Sarajeva planiran je u 01:00 sat sa platoa Željezničke stanice, dok je polazak iz Tuzle predviđen u 04:00 sata ispred Bingo City Centra. Putovanje započinje udobnom vožnjom modernim turističkim

autobusom, uz kraća usputna zaustavljanja radi ulaska putnika i pauza po potrebi. Nastavak putovanja vodi prema Rijeci, trasom preko Zagreba. Dolazak u Rijeku očekuje se u jutarnjim satima. Po dolasku slijedi odlazak u sam centar grada i slobodno vrijeme za laganu šetnju Korzom, kratki odmor te uživanje u jutarnjoj kafi u jednom od brojnih gradskih kafića, uz prvi susret s mediteranskim ritmom grada. U poslijepodnevnim satima nastavak putovanja prema Opatiji. Po dolasku slijedi smještaj u hotel. Slobodno vrijeme predviđeno je za odmor, individualne aktivnosti i uživanje u hotelskim sadržajima poput zatvorenog bazena i fitness centra, kao i za šetnju i razgledanje Opatije – grada elegancije, parkova i čuvene šetnice uz more. Večera u restoranu hotela, uz prijatan ambijent i opuštanje nakon putovanja. Noćenje.

2. dan - 09.05.2026. | OPATIJA - TRST

Doručak. U 10:00 sati polazak na fakultativni izlet u Trst (putnici koji se ne odluče za izlet ostaju u Opatiji i imaju slobodno vrijeme za individualne aktivnosti). Putovanje prema Trstu vodi slikovitom rutom preko Kozine. Po dolasku u Trst slijedi obilazak grada. Tokom pješačke ture razgledamo najznačajnije gradske znamenitosti: veličanstveni Trg ujedinjenja Italije (Piazza Unità d'Italia), živopisni Ponte Rosso, te Crkvu Svetog Spiridona, jedan od simbola grada. Nakon obilaska predviđeno je slobodno vrijeme u centru grada za individualne šetnje, kupovinu, uživanje u kafi ili kratki predah uz pogled na more. Povratak u Opatiju u poslijepodnevnim satima. Večera u hotelu.

3. dan - 10.05.2026. | OPATIJA - PULA - BRIJUNI - ZAGREB - TUZLA

Doručak u hotelu. Nakon doručka slijedi fakultativni izlet Pula i Nacionalni park Brijuni. Vožnja nas vodi do Fažana, gdje se ukrcavamo na brod i započinjemo ugodnu plovidbu prema jednom od najljepših nacionalnih parkova na Jadranu. Po dolasku na Brijune slijedi razgledanje turističkim vozicom uz stručno vodstvo. Brijunski arhipelag čini skupina od 14 ostrva i otočića, poznatih po izuzetno očuvanoj mediteranskoj vegetaciji, pejzažima posebne ljepote i bogatom arheološkom naslijeđu. Tokom obilaska razgledamo Veliki Brijun, najveće ostrvo arhipelaga, koje je krajem 19. stoljeća austrijski industrijalac Paul Kupelwieser pretvorio u mondenu ljetovalište evropske elite. Nakon obilaska slijedi povratak brodom i nastavak putovanja prema Puli. Po dolasku u grad organizovan je pješački obilazak historijskog jezgra: čuvena Arena (ulaz se plaća), Avgustov hram, Trijumfalna kapija Sergijevaca, Gradska vijećnica, Forum, Kaštel (ulaz se plaća), dvojna vrata, gradski bedemi, te brojni primjeri austrijske arhitekture. Nakon obilaska predviđeno je slobodno vrijeme za odmor, individualne šetnje i osvježanje. U poslijepodnevnim satima polazak prema Bosni i Hercegovini. Nastavak putovanja prema Tuzli trasom preko Zagreba, uz usputna zadržavanja po potrebi grupe. Dolazak u Tuzlu predviđen je u noćnim/ranim jutarnjim satima. Kraj usluge.

Termini i cijene

Termin	Cijena
--------	--------

8-10. Maj

375 KM

Smještaj

Grand Adriatic ★★★

Grand Adriatic Hotel Opatija je elegantan hotel smješten uz predivnu opatijsku rivu, gdje se susreću luksuz, udobnost i mediteranski ugođaj. Sa modernim sobama, panoramskim pogledom na more i vrhunskom uslugom, idealan je za odmor uz šetnju Lungomare promenadom, opuštanje na plaži i istraživanje šarma Opatije.

Tipovi soba

1/2 Dvokrevetna soba (Twin) – dva odvojena ležaja

1/2 Dvokrevetna soba (Double) – bračni ležaj

2+1 Dvokrevetna soba sa pomoćnim ležajem

1/3 Trokrevetna soba – tri osnovna ležaja ili dva + pomoćni

1/4 Porodična (Family) soba – četiri ležaja, pogodna za porodice

1/1 Jednokrevetna soba – jedan ležaj

Cijena uključuje / ne uključuje

- ✓ Udobna i sigurna vožnja turističkim autobusom, uz profesionalnog vozača i planirane pauze tokom putovanja.
- ✓ Smještaj je obezbijeđen u hotelu Grand Adriatic 4★ u Opatiji, na bazi 2 polupansiona (doručak i večera na bazi bogatog švedskog stola), u jednom od najpoznatijih hotela na opatijskoj rivijeri
- ✓ Zatvoreni bazen sa grijanom morskom vodom
- ✓ Fitness centar
- ✓ Usluge pratitelja tokom cijelog putovanja
- ✓ U cijenu je uključena i kompletna organizacija aranžmana, planiranje itinerera, logistika putovanja i podrška putnicima tokom cijelog boravka, čime se osigurava bezbrižno i kvalitetno iskustvo putovanja.
- ✓ Posebni popust za deset i više prijavljenih osoba
- ✓ PDV
- ✗ Lokalna turistička taksa 4,00€ po osobi/danu
- ✗ Doplata po želji: – jednokrevetna soba: 128,00 KM; dodatno sjedište u autobusu (veći komfor)
- ✗ Fakultativni izleti
- ✗ Putničko zdravstveno osiguranje: 10,00 KM po osobi za putnike mlađe od 60 godina: 20,00 KM po osobi za putnike starije od 60 godina

Opcionalni izleti

Brijuni — **50 €**

Trst — **20 €**

Napomene

POPUSTI ZA DJECU • Prvo dijete do 6 godina sa dvije odrasle osobe: -20% • Drugo dijete do 12 godina sa dva odrasle osobe: -10% • Ako dijete putuje s jednom odraslom osobom – nema popusta

Ukoliko broj prijava ne bude dovoljan za realizaciju, agencija zadržava pravo otkazivanja putovanja uz povrat uplate. Pasoši moraju biti važeći minimum 3 mjeseca nakon napuštanja EU. Cijene paket aranžmana navedene su na bazi najniže dostupne cijene povratne avio karte. U slučaju kada najniža cijena avio karte nije dostupna, cijena aranžmana biće skuplja za razliku u cijeni avio karte. Vremena polazaka aviona u programu navedena su prema redu letenja avio kompanije, i mogu biti podložna promjeni. Agencija nije odgovorna u slučaju promjene termina leta. Agencija nije odgovorna niti u slučaju promjene termina leta prouzrokovanog zbog više sile (magla, vjetar...). Organizator putovanja može promijeniti redoslijed obilazaka, ovisno o redu letenja, radnom vremenu muzeja ili državnim praznicima. Sadržaj razgledanja ostaje kako je objavljen bez obzira na redoslijed obilazaka, osim u slučaju nepredviđenih okolnosti (gradski prijevoz) ili više sile (kiša, snijeg...). Kalkulacija je rađena na bazi minimum 25 putnika. Agencija ne snosi odgovornost za eventualne drugačije usmene informacije o programu putovanja.

Za ovo putovanje vrijede Opšti uslovi Elle Travel Agencije Kalkulacija programa rađena na bazi minimalno 45 putnika SMJEŠTAJ

- Smještaj se preuzima od 15:00, a napušta do 09:00 posljednjeg dana. Ako putnik putuje sam, bit će smješten u sobu s drugim putnikom istog pola (ako postoji raspoloživost). Ako ne želi dijeliti sobu, doplaćuje jednokrevetnu. Svi hoteli su kategorizirani prema propisima zemlje destinacije. NAČIN PLAĆANJA MOGUĆNOSTI PLAĆANJA - Za rezervaciju je potrebno uplatiti avans u iznosu od 40%, ostatak se plaća najkasnije 5 dana prije polaska - Gotovinska uplata ili uplata debitnom karticom u Elle Travel agenciji - Uplata na žiro račun u banci, pošti, ili internetskim bankarstvom - Obročno shopping karticama (Unicredit do 12 rata) - Cijene objavljene na web stranici agencije su cijene izražene sa obračunatim popustom od 8% za jednokratno plaćanje - Za sva obročna plaćanja od 2-12 rata agencija obračunava manipulativne troškove.

Program putovanja generiran: 14.04.2026

Opšti uslovi putovanja dostupni na: <https://elletravel.ba/opsti-uslovi>

Elle Travel d.o.o